



Strategi 2015



Astrid J. Eidsvik
Administrerende direktør
i Helse Sunnmøre.

– Eg ser fram til å vidareutvikle tilbudet i samarbeid med brukarar, tilsette og kommunane

Ved utarbeiding av Strategi 2015 har vi lagt vekt på medverknad. Medverknad frå brukarar, tilsette og kommunane vil også vere sentralt i samband med iverksetting av strategien. Leiarråd i Helse Sunnmøre vil ha ei sentral koordinerande rolle. Det vil bli utarbeidd handlingsplanar og sett ned arbeidsgrupper.

Vi må framover også ta omsyn til overordna føringar i m.a. Strategi 2020 for Helse Midt-Norge og Nasjonal helse- og omsorgsplan. I samband med iverksettinga må vi inkludere nye føringar etter kvart.

Sentrale utfordringar

Helse Sunnmøre skal vidareutviklast for å møte sentrale utfordringar og endringar, som endringar i sjukdomsmønsteret, nye behandlingsmetodar, knappe personellressursar og mangel på samhandling. Det er auka krav til dokumentert kvalitet og effektivitet, og brukar/pasient skal ha ei meir aktiv rolle. Det er ei overordna føring at kommunane skal få eit større ansvar for helsetenestene. Det er ei særleg utfordring å sikre ei parallell utvikling med kommunane og ha tillit og tryggleik i befolkninga i endringsprosessar.

Overordna mål

Helse Sunnmøre skal yte gode og likeverdige spesialisthelsetenester til alle som treng det, uavhengig av diagnose, alder, kjønn, bustad, personleg økonomi, etnisk bakgrunn, tilpassa den enkelte sin livssituasjon, samt legge til rette for forskning og undervisning.

Vår visjon er "**På lag med deg for helsa di.**"

Våre sentrale verdiar er **tryggleik, respekt** og **kvalitet**.

Sentrale mål og fokus i perioden

- Tryggleik for befolkninga
- Dokumentert kvalitet på tilbodet
- Heilskap og samhandling for pasient/brukar
- Helsefremjande og framtidretta kompetanseorganisasjon
- God kommunikasjon og medverknad
- Nytenking og effektiv bruk av ressursane

Sentrale strategiar

Kvalitet

- Kvalitet skal vere førande, og vi skal utvikle ein klarare kvalitetsstrategi med vekt på kunnskapsbasert praksis, standardisering, pasientperspektivet og ei sterkare brukarrolle.

Utvikling av Helse Sunnmøre

- Helse Sunnmøre skal gi eit differensiert tilbod med høg kvalitet og dermed høg eigendekking av spesialisthelsetenester til befolkninga, og vidareføre dei føretaksovergrepande oppgåvene.
- Sjukehusa skal vidareutviklast, spesialisere seg og satse særleg på utvikling av tilbod knytt til dei utfordringane som befolknings- og sjukdomsutviklinga gir.
- Vi skal sjå ressursane samla ved dei to sjukehusa, med fokus på god kvalitet og gode løysingar innanfor dei økonomiske rammes vi har.
- Vi skal i større grad utveksle kompetanse/personell innanfor Helse Sunnmøre og mellom føretaket og kommunehelsetenesta.

Sjukehusa er viktig for lokalsamfunna og har ei sentral rolle for helsetilbodet samla i området. For å ivareta eit tilfredsstillande tilbod til befolkninga på Sunnmøre skal det framleis satsast på utvikling av begge sjukehusa i Helse Sunnmøre. Av omsyn til framtidig krav til kvalitet og effektiv ressursbruk, må det også skje endringar av arbeidsdelinga mellom sjukehusa.



Volda sjukehus

For å møte utfordringa med endra alderssammansetting i befolkninga og endra sjukdomsutvikling, skal Volda sjukehus prioritere dei mest vanlege lokalsjukehusoppgåvene. Dette gjeld dei store sjukdomsgruppene, kronisk sjuke og sjuke eldre pga. behovet for nærleik til tenestene og stort behov for samhandling med kommunane.

Ved Volda sjukehus skal det i planperioden fram til 2015 vere akuttberedskap 24 timar/7 dagar (i veka) innanfor indremedisin, anestesi, ortopedi og 5-døgnspost innan blautdelskirurgi med beredskap for inneliggjande pasientar. All akutt hjelp innan blautdelskirurgi skal gå til Ålesund sjukehus.



Ålesund sjukehus

Ålesund sjukehus skal også prioritere dei mest vanlege lokalsjukehusoppgåvene. Av omsyn til befolkningsskonsentrasjon, geografi, beredskapsbehovet og likeverdige helsetenester, skal Ålesund sjukehus vere det mest differensierte sjukehuset etter St. Olavs Hospital og ha eit godt traummottak.

Pasientbehandling – pasienttilbudet

- Kvalitet og mest effektive behandlingsnivå skal vere utgangspunkt for oppgåvefordeling og vidareutvikling av tenestene.
- Vi skal ta i bruk ny teknologi som støtter opp om god pasientbehandling.
- Vi skal vidareutvikle samarbeidet mellom sjukehus/helseføretak og private som har avtalar med Helse Midt-Norge.
- Vi skal styrke tilbudet til eldre sjuke, kronisk sjuke og pasientar med samansette lidingar.
- Vi skal utvikle den akuttmedisinske kjeda med utgangspunkt i prehospitala tenester og samarbeid med kommunehelsetenesta.
- Fødetilbudet og tilbudet innan gynekologisk kirurgi må vidareutviklast i samsvar med nasjonale og regionale føringar.
- Fagområda indremedisin, psykisk helsevern, rusbehandling, tilbudet til barn og unge, samt rehabilitering og habilitering skal ha særskilt fokus.

Samhandling – heilskap

- Vi skal prioritere iverksetting av samhandlingsavtalen med kommunane, og i dialog med kommunar, fastlegar og brukarar vidareutvikle samhandlinga.
- Vi skal prioritere behandling tidleg i sjukdomsforløpet, og vår rolle i det førebyggjande helsearbeidet skal bli meir tydeleg.
- Vi skal vidareutvikle opplæring av pasientar og pårørande, og intensivere arbeidet med utvikling av gode pasientforløp i samarbeid med brukarar og kommunane.
- Vi skal ha ei sterkare satsing på utadretta verksemd og ambulante tenester.

Forsking og utdanning

- Vi skal arbeide for å sikre godt samspel og betre tilpassing mellom utdanningstilbod, sjukehusdrift og kravet til samhandling.
- Forsking og utvikling skal prioriterast, og vi skal aktivt bruke forskingsresultat.

Organisasjon og styring

- Vi skal sikre ein framtidsretta personalpolitikk med vekt på robuste fagmiljø og eit godt arbeidsmiljø.
- Framtidig rekruttering og kompetansekrav skal ha særskilt fokus.
- Vi skal utvikle ein felleskultur med vekt på verdigrunnlaget vårt.
- Vi skal utvikle styringssystemet og halde fram med omstillingsarbeid.
- Vi skal sikre eit godt omdømme, vere ein open organisasjon og utvikle oss i dialog med pasient/pårørande, samarbeidspartar og samfunnet rundt.

Areal og infrastruktur

- Vi skal i større grad prioritere midlar til utstyr og vedlikehald som gir god arealutnytting, og ta ut gevinstane nytt utstyr og ny teknologi kan gi.

Brukarrolle/perspektiv

Brukermedverknad og brukerperspektiv skal vektleggjast. Tenestetilboda skal vere tilpassa pasienten sitt behov. Vi skal ha respekt for den enkelte pasient sitt liv, integritet og menneske-verd. Brukarar og pårørande skal ha innverknad på utforminga av tenestetilbodet og skal møtast med omsorg og respekt. Brukarrolla skal bli sterkare.

Om Helse Sunnmøre

Helse Sunnmøre er del av Helse Midt-Norge. Befolkninga får også spesialisthelsetenester ved andre sjukehus i regionen.

Det var i 2010 om lag 26 000 innlagde pasientar, vel 156 000 polikliniske konsultasjonar innan somatikk, og vel 48 000 innan psykisk helsevern. Helse Sunnmøre forvaltar eit budsjett på 2,5 milliardar kroner og har 2300 stillingar/årsverk (2011).

Helse Sunnmøre

Administrasjon

6026 Ålesund

Telefon sentralbord 70 10 50 00

postmottak@helse-sunnmore.no

Volda sjukehus

Postboks 113, 6101 VOLDA

Telefon 70 05 82 00


Ålesund sjukehus

6026 ÅLESUND

Telefon 70 10 50 00

Kartet viser framskriving av folketallet 2010-2020

5,0% >	Sterk vekst
0,0 – 4,9%	Svak/moderat vekst
0,0 – -4,9%	Svak/moderat nedgang
-5,0% >	Sterk nedgang



Kjelde: Fylkesstatistikk 2010
Møre og Romsdal fylkeskommune

